


SE KUALI KALI...


In tlaa timokalchiuilis, tikchijchiuas
noso tikyektlalis mokal:



Ipan Mexijko totlalnantsin, in tlaa onka yei kali,
ome inon kali amo kuali omochiuj, ipampa amo
okitlakamatke itlanauatil kalchialistli



Inon nekuejmolol noso netekipacholistli itechpa
tlalonistli ipan nochi totlaltikpak otechnextilij
ika inon nekuejmolol omochiuj ipampa amo
oajxilitlok noso amo otlakamatilok itlanauatil
kalchialistli



Inon kali tlen san kenin mochiuas nochipa uelis
mopolos ipampa moketsas in kanin uelis atemis,
tlaxitinis noso uetsis ijkuak tlalolinis, tlaejekas
chikauak noso teyinis in tlali



In tlaa tikajxiltis noso tiktlakamatis itlanauatil
kalchialistli, uel kuali timochantis.
¡Amo ximopolo!


Xiktemo ok achi tenauatili

Oficinas de Desarrollo Urbano, Vivienda u Obras Públicas
de tu municipio, delegación política o entidad federativa

Centro Nacional de Prevención de Desastres
www.gob.mx/cenapred

Fuente: Centro Nacional de Prevención de Desastres

- Xiktlajtlani maj mitspaleui se tlamatini itechpa kalchialistli noso se kalchiuani, amo xikchiua moseltsin
- Xiknemili kox mokal moketsas in kenin axkan tlanauatijtok in Reglamento de Construcción
- In tlaa ye kalchiujtokej, momostla xikita uan xiktlajtlani maj tlakamatilo, maj ajxilitlo in amatl tlen kijtojtika kenin mokalchiuas, ijkon tikpiyas se kali chikauak
- In tlaa ipan moaltepetsin amo onka se tlanauatili itechpa kalchialistli, xikintlajtlani motlanauatijkauan itechpa Obras Públicas, Desarrollo Urbano y Vivienda ipan moaltepetsin, maj mitsiluikan kenin uel timokalchiuilis
- Xikintlajtlani maj mitsmakakan se neskayotl noso se machiyotl tlen okichijke tlamatinimej itechpa kalchialistli



Lengua indígena nacional: **Náhuatl**. Autodenominación
de la variante lingüística: **Mexicano de Guerrero**.
Lugar: Atlixnac. Traductores: Fausto Aguilar
Domínguez y Javier Galicia Silva



**GOBIERNO DE
MÉXICO**

SEGURIDAD
SECRETARÍA DE SEGURIDAD
Y PROTECCIÓN CIUDADANA



CNPC
COORDINACIÓN NACIONAL
DE PROTECCIÓN CIVIL



CENAPRED
CENTRO NACIONAL DE PREVENCIÓN
DE DESASTRES




gob.mx/cenapred

Xikmati ok achi miyak itechpa mokaltsin



Mokaltsin moaxka uan iminaxka mochankauan, yejika nel motelnekis tikpiyas se kuali uan chikauak kali tlen uel kiixnamikis: tlalonilistli, tetsaujkaejekatl, tetsaujkakiauitl, tesiuitl iuetsiyan noso okse tlen uelis ipan mochiuas



In achto tikalchiuas, motech moneki xiktlajtlani se tlamatini itechpa kalchiualistli, maj mitsilui kenin mokalchiuas noso xiktetlakeui maj mitskalchiuili ijkon tikpiyas se kuali uan chikauak kali tlen amo uetsis nion moihtakouas ijkuak tlalolinis noso tlakiauis



In tlaa tiktlakamatis noso tikajxiltis itlanauatil kalchiualistli melauak mitspaleuis tikpiyas se kuali, se yektli uan se chikauak kali, no ijkon in akinkej okichijchijke mokal uel tikintlaxilis in tlaa itlaj ipan mochiuas



Ijkuak timokalchiuilis motech monekis tikajxiltis in amatl tlen okichijke in tlamatinimej in kanin kijtojtika kenin uan kanin motlalis sejse itlakoton mokal: itepan, itepepech, iikxi, ichikaujka tlen kimamas nochi kali, nochi inon moijskuilos, momachiyotis noso moneskayotis ipan se amatl tlen satepa tejuatsin tikpiyas

¡Xiktemo ok achi tenauatili!

Timitsyoleuan maj xikixmati uan maj xiktekitilti in tlanauatili itechpa kalchiualistli ipan moaltepetsin, inon amatl uelis tikixpouas ipan Gaceta Oficial ipan sejse itlanauatijkayo totlalnantsin

